



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Traffic**

Broj: 04-11-21659-7/20 BT  
Sarajevo, 08.07.2020.godine

Na osnovu člana 69. stav 2. tačka e) i člana 70. Zakona o javnim nabavkama Bosne i Hercegovine („Sl. glasnik BiH“, broj: 39/14), te čl. 56. Zakona o organizaciji organa uprave u FBiH („Službene novine FBiH“, br.35/05), ministar saobraćaja Kantona Sarajevo na preporuku Komisije za javnu nabavku br: 04-11-21659-6/20 od 06.07.2020. godine donosi:

**ODLUKU**  
**o poništenju postupka javne nabavke**

1. Poništava se postupak javne nabavke „Radovi na postavljanju cijevi odvodnje pruge ispod stajališta „Otoka smjer A” i elektroinstalacija na tramvajskim stajalištima „Otoka smjer A” i „Nedžarići smjer B” putem konkurentskog zahtjeva za dostavu ponuda, objavljenog na portalu javnih nabavki dana 24.06.2020. godine, broj obavještenja o nabavci: 1242-7-3-15-3-14/20, jer su cijene svih prihvatljivih ponuda znatno veće od osiguranih sredstava za predmetnu nabavku.
2. Ova Odluka će se objaviti na Internet stranici Ministarstva saobraćaja Kantona Sarajevo u skladu sa članom 70. stav 6. Zakona o javnim nabavkama Bosne i Hercegovine („Sl. glasnik BiH“, broj 39/14).

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 04-11-21659/20 BT od 24.06.2020. godine – „Radovi na postavljanju cijevi odvodnje pruge ispod stajališta „Otoka smjer A” i elektroinstalacija na lokaciji tramvajsko stajalište „Otoka smjer A” i „Nedžarići smjer B”. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke iznosi 25.000,00 KM bez PDV-a. Za predmetnu nabavku objavljeno je obavještenje o nabavci na portalu javnih nabavki pod brojem : 1242-7-3-15-3-14/20 dana 24.06.2020. godine. Ugovorni organ je u skladu sa članom 88. stav (1) Zakona o javnim nabavkama, poslao poziv za dostavu ponuda na tri adrese, Regeneracija d.o.o. Sarajevo, Euro-asfalt d.o.o. Sarajevo i Termo-beton d.o.o Breza.

Rok za dostavu ponuda bio je 06.07.2020. godine do 11,00 h.

Za navedenu nabavku u predviđenom roku i uredno zatvorenoj koverti, dostavljena je ponuda ponuđača:

- Euro-asfalt d.o.o. Sarajevo.

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-11-21659-2/20 BT od 01.07.2020.godine provela je proceduru nabavke, obavila javno otvaranje ponuda, sačinila i dostavila Zapisnik o otvaranju ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa.



Zapisnik o pregledu i ocjeni ponuda broj: 04-11-21659-5/20 od 06.07.2020. godine čini sastavni dio ove odluke i u istom je utvrđeno slijedeće:

- da je pristigla jedna ponuda te da je ista blagovremena,
- da nema neblagovremeno zaprimljenih ponuda
- da je ponuđač Euro-asfalt d.o.o. Sarajevo dostavio ponudu u iznosu od 47.907,99 KM bez PDV-a, a koja ispunjava formalno-pravne uslove za učešće, kao i tehničke karakteristike i druge uslove propisane od strane ugovornog organa, te da ista prelazi procijenjenu vrijednost javne nabavke. Na osnovu navedenog a u skladu sa članom 69. stav (2) tačka e) Zakona o javnim nabavkama. Komisija je predložila ugovornom organu, da poništi postupak javne nabavke ukoliko je ponuda znatno veća od osiguranih sredstava za predmetnu nabavku.

Obzirom da je predmetna javna nabavka procijenjena na 25.000,00 KM bez PDV-a, te u istom iznosu planirana budžetom ugovornog organa, a da ponuda ponuđača Euro-asfalt d.o.o. Sarajevo u iznosu od 47.907,99 KM bez PDV-a, znatno prelazi osigurana sredstva, to je u skladu sa odredbama člana 69. Stav (2) tačka e) Zakona o javnim nabavkama, donesena odluka kao u dispozitivu.

#### **Pouka o pravnom lijeku:**

Protiv ove odluke može se izjaviti žalba Uredu za razmatranje žalbi, putem ugovornog organa u roku od 5 (pet) dana od dana prijema odluke.

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Žalilac je dužan za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.


Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Prilog:

- Zapisnik o pregledu i ocjeni ponuda

Dostaviti:

- Euro-asfalt d.o.o. Sarajevo
- Ul. Rajlovac bb, Sarajevo
- Ministar
- Evidenciji
- Arhivi



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

